

黃氏逸書考

漢學堂經解

通書考

京相璠春秋土地名 甘泉黃輿學

制

隱元年傳制巖邑也

鄭地

釋例土地名云制號二名蔡陽故號國

向

隱二年經宮人入向

沛國縣今并屬譙國龍亢也

釋例土地名同

石門

隱三年經齊侯鄭伯盟于石門

齊地今濟北盧縣故城西南六十里有故

石門去水三百步蓋水瀆流移故側岸也

京林瑯君利土地名

釋例土地名云在盧縣故

城西南濟水以石為門

隱四年經公及

清宋公遷于清

今濟北東阿東北四十里有故清亭釋例土地

名即春秋所謂清者也

濮隱四年經衛人殺州吁于濮

濮水故道在濮陽南釋例土地名關

成隱五年經衛師入成公羊傳作盛

東郡廩丘縣南三十里有故郝都又岡縣

西南有盛鄉城釋例土地名云東平剛平縣西南有郝鄉

長葛

隱五年經宋人伐鄭圍長葛

長社縣北有長葛鄉

釋例土地名同

鉏

按此地名不見經傳釋例土地名亦同今從春秋隱七年戎伐凡伯于楚

文附列于此

今濮陽城西南十五里有鉏城六國時

鉏楚同以為楚正非也

垂

隱八年經宋公衛侯遇于垂

今濟陰句陽縣小成陽東五里有故垂亭

釋例土地名同

地名同

釐

隱十一年經公會鄭伯于時來傳作邾杜注永陽縣東有釐城鄭地也釐音來

今榮陽縣東四十里有故釐城

釋例土地名同

隱

隱十一年傳與鄭人蘇忿生之田溫原稀樊隰邾檮茅向盟州陘隰懷

在懷縣西南

釋例土地名云隰邾二名河內懷縣西南有隰城

墳茅

上見

河內修武縣北有故隍城實中今世俗謂

之皮塋方四百步實中高八丈際陂北隔

水一十五里俗所謂蘭正也方二百步西

一十里又有一正際陂世謂之勅正方五

百步形狀相類疑卽古櫟茅也釋例土地名云汲郡

修武縣北有櫟城

向見上

或云河內軹西有地名向今無釋例土地名同

莘桓十年傳使盜待諸莘

今平陽陽平縣北一十里有故莘亭道阨

限蹊要自衛適衛之道也釋例土地名闕

葵莊八年傳齊侯使連稱管至父戌葵

齊西五十里有葵釋例土地名同

京相璠春秋土地名

鄧

按此地名不見經傳釋例土地名亦闕或以為即葵丘姑附于此

河內山陽西北六十里有鄧城

貝丘

莊八年傳齊侯田于貝丘

博昌縣南近繩水有地名貝丘

釋例土地名同

乾時

莊九年經秋八月及齊師戰于乾時

今樂安博昌縣南界有時水西通濟其上

源出盤陽北至高苑下有死時中無水

釋例

土地名云時水在樂安界岐流旱即竭涸故曰乾時

瀧水

按此水名不見經傳釋例土地名亦闕據水經注即袁水人時水當屬齊地故

附子
此

濟南梁鄒縣有袁水

涑

莊九年經
冬浚涑

涑水在魯城北浚深之爲齊備也

釋例上
地名云

出魯國東北西南
入涑水下入泗

遂

莊十二年經
齊人滅遂

遂在虵丘東北十里今濟北有虵丘城城

下有水魯囿也俗謂之濁須水非矣

釋例
土地

名云濟北虵丘
縣東北有遂鄉

大陵

莊十四年傳鄭厲公獲傅瑕于大陵

潁川臨潁縣東北二十五里有故巨陵亭

古大陵也

釋例土地名闕

郿

莊二十八年經冬築郿

公羊傳謂之微在東平壽張縣西北三十

里有故微鄉魯邑也

釋例土地名闕。案路史國名紀注引璠

云微子

國也

桐丘

莊二十八年傳鄭人將奔桐丘

今國無而城見存西南去許昌故城可三

十五里俗名之曰隄其城南卽長隄因洧

水之北防也西面桐丘其城邪長而不方

蓋馮丘之稱卽城之名矣

釋例土地名云
潁州許昌縣東

北有章丘亭

榮澤

閔二年傳衛及狄人戰于榮澤

在榮陽縣東南與濟隧合

釋例土地名關
言戰而又及河

則非河

南榮澤

冀

僖二年傳
冀為不道

今河南皮氏縣有冀亭古之冀國所都也

京杭利有和土地名

釋例土地名云平陽

皮氏縣東北有冀亭

無棣

信四年傳北至千無棣

舊說無棣在遼西孤竹縣

釋例土地名闕

須句

信二十二年經公伐邾取須句公羊傳作須胸

須句一國二城兩名蓋遷都須昌胸是裝

本秦以為縣

釋例土地名云東平須昌縣西北有須胸

五鹿

信二十三年傳晉文公出于五鹿

今衛國縣西北三十里有五鹿地

釋例土地名云

陽平元城縣
東平有五鹿

桑泉曰衰

傳二十四年傳晉文公濟河圍令狐入桑泉取曰衰

並在解東南

釋例土地名云河東解縣西有桑泉城東南有曰城

雍

傳二十四年傳邾雍曹滕

今河內出山陽西有故雍城

釋例土地名同

邠

傳二十四年傳邠晉應韓

今河內野王縣西北三十里有故邠城

釋例

土地名同邠臺是也又有亭在臺西南三十里

召

傳二十四年傳召穆公

亭在周城南五十里後漢郡國志曰鄆縣

有邵亭一作邵亭謂此也釋例土地名云扶風雍縣東南有邵亭

甘傳二十四年
傳甘昭公

或云甘水西山上夢汁疑作廣濶而平有故甘

城在河南城西二十五里指謂是城也今

河南河南縣有甘水北入洛釋例土地名云河南縣西

南有甘水

坎飲傳二十四年傳王遂出及坎飲

鞏東地名坎飲釋例土地名同在洞水東

襄城傳二十四年傳王出適鄭處
小汜水經注云卽此城也

周襄王居之故曰襄城也今置闕於其下

釋例土地名

云此南汜也

宛濮

僖二十八年傳寧武子與衛人盟于宛濮

衛地也似非闕苑而不知其所

釋例土地名云陳留

長垣縣西南有

宛亭近濮水

翟泉

僖二十九年經會王人盟于翟泉

今大倉西南池水名狄泉舊說狄泉本在

洛陽北萇卯城成周乃繞之

釋例土地名云河南洛陽

萇城縣北

大倉南池

瑕傳三十年傳
許君焦瑕

今河內解縣西南五里有故瑕城釋例土地名關

垂隴文二年經公孫敖會
晉土穀盟于垂隴

鄭地今滎陽東二十里有故隴城釋例土地名同

卽此是也世謂之都尉城蓋滎陽典農都

尉治故變垂隴之名矣

承匡文十一年經叔仲彭
生會晉卻缺于承匡

今陳留襄邑西三十里有故承匡城釋例土地名

同名

周首

文十一年傳齊王子成父獲其弟榮如理其首于周首之北門

今濟北所治盧子城故齊周首邑也

釋例土

名云濟北穀城縣

東北有周首亭

鄆

文十二年經季孫行父帥帥城諸及鄆

瑯邪姑幕縣南四十里員亭故魯鄆邑世

變其字非也

釋例土地名云鄆田二名此東鄆莒魯所爭者城陽姑幕

縣南有員亭或

曰鄆即員也

繹

文十三年傳邾文公卜遷于繹

地理志嶧山在鄒縣北

釋例土地名同

繹邑之所

依為名也

邲垂

文十七年經周甘
斃敗戎于邲垂

舊說邲垂在高都南今上黨有高都縣

釋

土地名云河南新

城縣北有垂亭

申池

文十八年傳齊
懿公遊于申池

申門即齊城南面西第一門外為申池

釋例

土地名云或曰齊城南面西頭第一門
名申門齊城無池唯此門左右有池

北林

宣元年傳楚為賈
救鄭遇于北林

今滎陽宛陵縣有故林鄉在新鄭北故曰

北林

釋例土地名云今中牟縣西有林亭

邲

宣二年傳成王定鼎于邲邲社注今河南也

邲山名邲地邑也

史記周紀正義引京十和璠地名云邲邑名

年定鼎爲王之東都謂之新邑是爲王賊

其城東南名曰鼎門蓋九鼎所從入也故

謂是地爲鼎中楚子伐陸渾之戎問鼎于

此

釋例土地名云河南縣西有邲邲陽也

辰陵

宣十一年經楚子陳侯鄭伯盟于辰陵

潁州長平有故辰亭

釋例土地名云在長平東南

京相璠春秋土地名

邲

宣十二年經晉荀林父帥師及楚子戰于邲

在敖北

釋例土地名關

清

宣十二年經晉人宋人衛人曹人同盟于清

在今東郡濮陽縣東南三十里魏都尉治

釋例土地名同

茅

成元年經王師敗績于茅戎

今高平縣西三十里有故茅鄉城

釋例土地名云

河內大陽縣西有茅亭

華泉

成二年傳將及華泉

地名卽華不注山下泉水也釋例土地名附

瑕成十六年傳楚師還及瑕

楚地北釋例土地名

鄆成十六年傳公還待于鄆

公羊作運字今東郡廩丘縣東八十里有

故運城卽此城也釋例土地名云此西鄆昭公所出居東郡廩丘

縣東有

鄆城

而襄三年傳盟于彤外

今臨淄唯有濳水西北入沂卽地理志所

京相璠春秋土地名

謂如水矣。形如聲相似。然則澮水卽形水

也。

釋例土地名關

斟

襄四年傳使澮帥師滅斟灌及斟尋氏

故斟尋國禹後西北去灌亭九十

當作九里。釋

例土地名云樂安壽光縣東南有灌亭北平壽縣東南有斟亭

祖

襄十年經公會晉侯宋公會吳于祖

宋地今彭城偃陽縣西北有祖水溝去偃

陽八十里東南流逕偃陽縣故城東北

杜

蒧地。釋例土地名關或曰彭城傳陽縣西北有祖水溝魯國薛縣西南有祖亭誰

國攢縣治戲鄉皆去鍾離五百餘里非謂
侯六日載會所至也或曰汝南安城縣西
南有鍾離亭西平縣北有祖亭去偃陽近
千里又非自合九日之所能滅國皆非也

濟隧

襄十一年傳諸侯
伐鄭西濟于濟隧

鄭地也言濟水滎澤中北流至桓雍西與
出河之濟會南去新鄭百里斯蓋滎播河
濟往往逕通矣出河之濟卽陰溝之上源
也濟隧絕焉故世亦或謂其故道爲十字

溝

釋例土
地名關

楊梁

襄十二年傳楚子囊秦戊
長無地伐宋師于楊梁

宋地今睢陽東南三十里有故楊梁今日

楊亭也

釋例土地名同

湛阪

襄十六年傳楚公子格帥師及晉師戰于湛阪

昆陽縣北有蒲城蒲城北有湛水者是也

釋例土地名云

湛水東入汝

梗陽

襄十八年傳梗陽之巫

晉邑也今太原晉陽縣南四十里榆次界

有梗陽地

釋例土地名云在晉陽縣南陽城

平陰

襄十八年傳齊侯禦諸平陰重防門而守之廣里

齊地也在齊北盧縣故城西南

釋例土地名作東北

十里平陰城南有長城東至海西至濟河道所由名防門去平陰三里齊侯塹防門卽此也其水引濟故瀆尙存今防門北有光里齊人言廣音與光同卽春秋所謂守之廣里者也

巫山

襄十八年傳齊侯登巫山以望晉師

在平陰東北

釋例土地名云濟北盧縣東北

鄆水

襄十九年經公至自伐田取邾田自鄆水

水名

薛縣澮水首受蕃縣西注山陽胡陸是也

釋例土地名云出東海合鄉縣西南經魯國至高平胡陸縣入泗

武城

襄十九年經城武城

今泰山南武城縣有澹臺子羽豕縣人也

釋例土地名同

高唐

襄十九年傳衛奔高唐以叛

本平原縣齊之西鄙也

釋例土地名云濟南祝阿縣西北高

唐城

少水

襄二十三年傳封少水

晉地今沁水也

釋例上地名闕

羊角高魚

襄二十六年傳齊烏餘以廩丘奔晉襲衛羊角取之遂襲我高魚

衛地也今東郡廩丘縣南有羊角城今魯

邑也今廩丘東北有故高魚城俗謂之交

魚城謂羊角爲角逐城皆非也

釋例土地名云羊角

衛地高魚魯

地餘並同

三塗

昭四年傳四嶽三塗

山名

釋例土地名云河南陸渾縣南山名或曰三塗伊闕太谷轅轅三道也傳

曰晉將伐陸渾而先有事于洛與三塗先祭山川也謂三道者非也

京月番季水土也名

十三

索氏

昭五年傳鄭子皮子太叔勞諸索氏

京有小索亭世語以為本索氏兄弟居此

故號小索者也

項羽本紀注引京相璠地

亭大小氏兄弟居之故有小大之號。釋例土地名云河南城阜縣東有大索城

夸濮西田

昭九年傳楚然丹遷城父人于陳以夸濮西田益之

以夸之濮西田益也

釋例土地地名云夸濮本陳地也

中人

昭十二年傳晉荀吳侵鮮虞及中人

今中山望都西二十里有故中人城

釋例土地

名云鮮

虞地也

鼓

昭十五年傳晉荀吳帥師圍鼓

白狄之別種鉅鹿下曲陽有鼓聚

釋例土地名同

故鼓子國也

聊攝

昭二十年傳聊攝以東

平原有聊城縣東北三十里有故攝城

釋例

土地名同

鄆

昭二十二年傳鄆辟伐皇

今鞏洛渡北有鄆谷水東入洛謂之下鄆

太平寰宇記引此條鄆俱作潯故有下鄆上鄆之名亦謂

之北鄆於是有南鄆北鄆之稱矣又有鄆

城蓋周大夫鄆肸之舊邑

釋例土地名云河南鞏縣西南

有地名鄆中也

前城

昭二十二年傳晉箕遺樂徵右行詭濟師取前城

今洛陽西南五十里伊闕外前亭矣

釋例土地

名闕

湟

昭二十三年傳王子猛居于湟

訾城北三里有黃亭卽春秋所謂次于黃

者也

釋例土地名云河內鞏縣南有黃亭

蕞澁

昭二十三年傳同馬蕞越菴于蕞澁

水際及邊地名也禹貢曰道漢水過三澁

春秋傳有句澁雍澁及此而二

釋例土地名關

窮

昭二十七年傳楚救澁與吳師遇于窮

今安豐有窮水比入淮

釋例土地名關

沙汭

昭二十七年傳楚令尹子常以舟師及沙汭而還

楚東地也

杜注沙水名也釋例土地名關

養

昭三十年傳楚逆吳公子使居養

在襄城郟縣西南養水名也俗以昇水爲

京相璠春秋土地名

沙水故亦名之沙城非也釋例土地名

國名紀引璠云由基之邑

柏舉定四年經吳楚戰于柏舉

漢東地矣夏有汭水或作舉疑卽此也釋例

土地名闕

大別定四年傳自小別至于大別

漢東山名也在安豐縣南釋例土地名闕或曰大別在安

豐縣西南傳曰吳既與楚夾漢然後楚乃濟漢而陳自小別至于大別然則二別在

江夏界近漢之名無緣反在安豐焉

負黍

定六年傳鄭伐負黍

在潁川陽城縣西南二十七里世謂之黃

城也

釋例七地名同

鐵上

哀二年傳衛太子為右登鐵上望見鄭師自投車下

鐵上名也

釋例土地名云城城南有鐵上

少習

哀四年傳將通于少習

楚通上洛阨道也

釋例土地名云土雒商縣武關

霍

哀四年傳楚侵梁及霍

霍陽山在周平

東南者也釋例土地名云河南梁縣

南有霍

陽聚

豐析

哀四年傳楚司馬起豐析與狄戎

南鄉淅縣有故鄠鄉

釋例土地名同

春秋所謂鄠

淅也

闡

哀八年經齊人取謹及闡

岡縣西十里有闡亭

釋例土地名云東平岡亭縣西北闡鄉城

漢學堂經解

逸書考

劉炫春秋左氏傳述義

甘泉黃奭學

尚書周公封康叔戒之酒誥其經曰大史友
內史友如彼言之似諸侯有大史內史矣但
徧舉記傳諸侯無內史之文何則周禮內史
職曰凡命諸侯及孤卿大夫則策命之僖二
十八年傳說襄王使內史叔興父策命晉侯
爲侯伯是天子命臣內史掌之襄三十年傳

劉炫左傳述義

稱鄭使大史命伯石爲卿是諸侯命臣大史
掌之諸侯大史當天子內史之職以諸侯兼
官無內史故也鄭公孫黑強與薰隧之盟使
大史書其名齊大史書崔杼弑其君晉大史
書趙盾弑其君是知諸侯大史主記事也南
史聞大史盡死執簡以往明南史是佐大史
者當是小史也

杜序諸侯不各有國史疏

微顯闡幽皆說作傳之意經文顯者作傳本
其微微經文幽者作傳闡使明著顯者若王

王狩于河陽觀經文足知王是天子狩是出獵但不知天子何故出畿外狩耳故傳發晉侯召王是其微顯也幽者若鄭伯克段于鄆觀經不知段是何人何故稱克故傳發武姜愛段是闡其幽也正明作傳其有微經之顯闡經之幽以裁制成其義理比類者皆據舊典凡例而起發經義指其人行事是非以正經之褒貶例稱得雋曰克傳言如二君故曰克是其據其例發義也晉侯召王使狩鄭伯

不教其弟仲尼沒其召王顯稱鄭伯正明正
述其事先解經文是指其行事以正褒貶也
此二事尤明者耳其餘皆是新意也此序主
論作傳而賀沈諸儒皆以爲經解之是不識
文勢而謬失杜旨

不言名而云氏者漢承焚書之後諸儒各載
舉名不敢布于天下但欲傳之私族自題其
氏爲謙之辭

策書之例先會後盟者上言會下言盟唯盟

不會者直言及此爲不行會禮故言及也或可史異辭非先會而盟則稱會知者文七年公會諸侯晉大夫盟于扈傳云公後至則是不及其會而經稱會故知盟稱會者未必先行會禮也

隱公元年經三月公及邾儀父盟于蔑疏

卿而無爵或亦書字大夫有爵或亦書爵傳稱王叔陳生與伯輿爭政俱是卿士並不言爵又滕侯之先爲周卜正書稱齊侯呂伋爲虎賁氏則大夫或有爵也然則大夫有爵不

可舍爵而書氏卿而無爵不可越字而書名
蓋有卿士亦書字大夫亦書爵也王臣之見
經者衆祭伯凡伯毛伯單伯召伯尹子單子
劉子其間未必無大夫榮叔南季家父叔服
其間未必無卿但無明證故依例解之襄十
五年註云天子卿書字是言天子卿有書字
之理

冬十有二月
祭伯來疏

以克爲文非其實狀故傳解之謂之鄭志言
仲尼之意書克者謂是鄭伯本志也註又申

解傳意言鄭伯志在于殺心欲其克難言其

奔故仲尼書克不書奔如鄭伯之志爲文所

以惡鄭伯也

傳書曰鄭伯克段于鄆

此亦例不言凡者諸所發凡皆爲經張例此

舉葬之大期以譏宰咺之緩非是爲葬發例

故不言凡也

大夫三月同位至疏

盟會例卿則書名氏非卿則書人人當名氏

之處由是將卑師少則書人亦與盟會同年

夏五月莒

人向疏

劉炫左傳述義

此四者所以自邪已身言爲之不已將至于

邪邪謂惡逆之事

三年傳驕奢淫
佚所自邪也疏

田獵止教戎而言祀者獵獸主以祭祀故并

祀言之下註云俎祭宗廟器見此意也

五年傳凡

物不足以
講大事疏

此言田獵之時小鳥小獸則公不射雖講事

而田尙不射小物況魚非講事不宜輒舉不

謂登俎之物皆公所親射祭祀水土云云同

鳥獸之內不

登乎祀疏

公羊傳曰萬者云云籥者云云羽者爲文萬者爲武武則左執朱干右秉玉戚文則左執籥右 翟此傳將萬問羽卽似萬羽同者以當此時萬羽俱作但將萬而問羽數非謂羽卽萬也經直書羽者與傳互見之

九月考仲子之官將

萬焉

言祀泰山之邑者謂泰山之旁有此邑邑內有鄭宗廟之祀蓋祀桓武之神

八年經鄭伯使宛來歸訪

疏

欲以弑君之罪加爲氏則君非爲氏所弑而復不能以正法誅之正法謂滅其族汙其宮也傳言此者進退無據進誅爲氏則實非爲氏弑君退舍爲氏則無弑君之人是其進退

無據也

十一年傳羽父使賊殺公子爲氏疏

號爲武武非諡也

桓二年傳始懼楚也疏

夏正郊天后稷配也冬至祭天園正以帝學

配也

五年傳凡祀敗蟄而郊疏

杜以博碩肥腍據牲體而言季梁推出此理

嫌其不實故云其實皆當兼此四謂又民力
普存非畜之形貌而季梁以之解情又申之
民力適完則得生養六畜故六畜既大而滋
息也 碩言其形狀大蕃滋言其生乳多碩

大蕃滋皆複語也疾蠡畜之小病故以爲疥

癬之疾也不疾者猶言不病此病也

六年傳
博碩肥

疏

在戊受饋而使魯爲班明魯人在矣襄五年

戊陳書經此戊齊亦宜書今不書經疑史闕

文以史策本闕仲尼不得書之十年說此云
北戎病齊諸侯救之或可魯亦往救但傳無
魯事之驗魯必不救不須解之使魯爲其
班後鄭疏
廢主謂廢其所主山川不復更得其祀故須
改其山川之名魯改二山是其事也以山川
則廢主
疏

欲以證商周之不敵故先少而後多非便文

十一年傳商
周之不敵疏

杜欲成不稱行人之義故以行人言之

故誘
祭仲

而執之疏

公會紀鄭告廟而行始行卽書會也其戰之日則戰罷乃告廟史官雖連并其文而存其本旨已已是戰日故下日以附戰

十三年傳不書所戰

後也疏

釋宮云宮謂之室其內謂之家則家之爲室義無以異欲見男女之別故以室屬之其實室家同也

十八年傳女有家男有室疏

蓋慶父自稱仲欲同于正適言已少次莊公

爲三家之長故以莊公爲伯而自稱仲春秋
之例皆傳言實而經順其意經稱當時之事
書其自稱之辭其人自稱仲孫不得不書爲
仲傳序已適之事舉其時人之語時人呼爲
孟氏不得不以孟錄論語云孟孫問孝于我
是時人呼云孟氏也楚公子棄疾弑君取國
改名爲居經書楚子居卒是從其自稱也

年經公子慶父帥
師伐於餘丘疏

度其本謂思所立之人有母氏之寵有先君

之愛有彊臣之援爲國人所信服也度其末
謂思所立之人有度量有知謀有治術爲下
民所愛樂也

六年傳本
枝百世疏

下體坤坤爲地爲衆上體巽巽爲風爲木上
體爲艮艮爲門闕地上有木而爲門闕宮室
之象宮室而可風化使天下之衆觀焉故謂
之觀也下體坤坤爲地上體乾乾爲天天不
下降地不上騰天地不通其氣上下否塞故

謂之否也

二十二年傳
過觀之否疏

計春秋之時卜筮多矣正明所載唯二十許事舉其縣驗于行事者其不驗者不載之君子之人當記其志之善者知之遠者他皆放

此

成子得政策

知非五月朔者昭二十四年五月日有食之傳云日過分而未至此日是五月亦應云過分而未至也今言慝未作則是已作之辭故知非五月

二十五年傳夏六月辛未朔日有食之

阻疑以意訓耳今言猶云阻疑且阻得爲疑

也言雖狂夫猶知於此服有疑也閔二年傳是服也狂

夫阻之疎

先王之制諸侯無故不造城造城則攻其所

造司馬法曰產城攻其所產是也信六年傳圍新密鄭

所以不時成也疎

杜云禮者謂文十五年傳為禮此仍為禮也

十五年經春王正月公如齊疎

此一句是史家序事充卜人之語言秦伯之

事二經敗壞乃至子韓而晉始懼傳三敗及韓疎

政者若周大夫入陳竟見官職不修君臣南
冠如夏氏知簡夷將亂子貢見公執王卑知
其替死也刑者若夷吾忌克多怨君子知其
不終也吉凶有二陰陽調序四海玉燭時吉
也陰陽錯逆寒暑失度民多癘疫五穀不生
時凶也父慈子孝君義臣忠人吉也父不父
子不子君不君臣不臣人凶也

十六年傳君將得諸侯而

不終

言是陰陽之事也則知事由陰陽若陰陽順

序則物皆得性必無妖異故云陰陽錯逆所
爲非人吉凶所生也傳稱天反時爲災地反
物爲妖人反德爲亂亂則妖災生洪範咎徵
曰狂恒雨若之類皆言人有愆失乃致陰陽
錯逆而云陰陽錯逆非人所生者石隕鵠飛
事由陰陽錯逆陰陽錯逆乃是人行所致襄
公不問已行何失致有此異乃謂既有此異
將來始有吉凶故答云是乃陰陽之事非將
來吉凶所生言將來若有吉凶協此石鵠之

異耳非始從石鵠而出也襄公不知陰陽錯
逆爲既往之咎乃謂將來吉凶出石鵠之間
是不知陰陽而空問人事故云君失問也叔
與若以實對當云由君愆失致有此異今乃
別以政刑他占橫說齊亂魯喪自以對非其
實恐爲有識所譏故退而告人以此言也

是陰

陽之事非吉
凶所生也疏

大旱而不書饑者傳云是歲也饑而不害故

不書饑

二十一年經
夏大旱疏

杜云常棣詩屬小雅明是周公所作也

二十四

傳常棣之華疏

生既厚民皆懷戀居處

二十七年傳民懷生矣疏

公羊傳曰畀者何與也其言以畀宋人何與使聽之何休云宋稱人者明聽訟必師斷與其師衆共之穀梁傳曰畀與也其曰人何也不以晉侯畀宋公也註云畀上與下之辭故不以侯畀公案傳執曹伯分曹衛之田以畀宋人則田亦稱人非爲斷獄故稱人也若不

使晉侯與宋公自可改其畀名何以名之爲
畀而使義不得與也若與宋人豈宋國卑賤
之人得獨受曹伯而治之乎二傳之言皆不
得合左氏當以人爲衆辭舉國而稱之耳二

八年經晉侯入曹
執曹伯畀宋人疏

此志三云者情有淺深允當則歸謂彼雖可
勝得當則還言前人弱於已也知難而退謂
勝不可必早自退斂言前人與已敵也有德
不可敵謂必知彼彊不須與競言前人彊於

已也三者從弱至彊總言晉之謂矣按前

彊於已也

傳此三志者晉之謂矣疎

二十四年王出適鄭處于汜註云鄭南汜也
釋例土地名僖三十四年汜下云此南汜也
周王出居于汜楚戍鄭師于汜襄城縣南汜
城是也此年汜下云此東汜也秦軍汜南晉
伐鄭師于汜滎陽中牟縣南汜澤是也杜考
校既精當不徒爾尋討傳云未見杜意

三傳

秦軍汜南疎

春秋時戎狄錯居中國此狄無國都處所直云及狄盟盟于狄之處也此狄俗逐水草無城郭宮室故云就廬帳盟

三十二年經衛人及狄盟疏

既言作主非禮因言作主祭祀吉凶之節凡諸侯之薨葬日而虞從是以後間日一虞七虞之後明日而爲卒哭之祭卒哭之明日而作祔祭以新死之神祔於祖父於此祔祭而作木主以依神其主在寢特用喪禮祭祀於寢之主其四時常祭祔祠烝嘗及三年喪

畢爲大祀禘祭竝行之於廟正禮當如是耳

今以葬僖公後積十月始作僖公木主是作

主大緩故爲非禮也

三十三年傳烝嘗禘于廟疏

不言禘者以正經無禘文也唯禮記毛詩有

禘字耳釋天云禘大祭也則祭無大於禘者

若禘大於禘禘焉得稱大乎

同上

春秋之時天子微弱霸主秉德刑以長諸侯

諸侯從時命以事霸主大事小小事大所以

相保時也晉之與衛小大不同而恥于受屈

劉炫左傳述義

望以彊獲免明王在上理在可然度時之宜則非善可君子以爲合古之道失當今之宜

亦不言其謀全非理也

文元年傳古者越國而謀疏

魯公新立鄰國及時來朝則曰公卽位而來朝晚則云始朝公也諸侯自新立來及時者則云卽位而來見晚則云始見霸主卽位魯公往朝則曰朝嗣君魯君新立往朝大國則曰卽位而往見也

十二年傳始朝公也疏

已去邾國又非邾君故不稱邾捷箇也得國

為君皆舉國言之齊小白入于齊是也

十經

晉人納捷莒于
邾弗克納疏

爾將免我為君之事乎

傳將免我乎
爾為之疏

甲已俱是名故云猶言某甲

曰夫已
氏疏

或以為華耦 之既深故特書族案傳華耦

魯人以為敏則君子不許是魯 之不深蓋

史有文質故辭有詳畧

十五年經宋司
馬華孫來盟疏

各有大功皆賜氏族故稱族

十八年傳此
十六族也疏

襄七年鄭伯髡頑卒于鄆昭二十五年宋公

佐卒于曲棘竟内亦書地非竟外九月無辛

酉者下有十月癸酉杜以長厯推之癸酉是

十月十六日辛酉在前十二日耳故云九月

無辛酉上有八月下有十月非月誤也宣九年經

晉侯黑臀卒于扈疏

玉帛之使謂國家有交好之國皆告非指奔

者之一身也十年傳玉帛之使者則告疏

楚子入陳乃殺徵舒經先書殺徵舒後言入

陳者以楚子本意止欲討賊無心滅陳殺

徵舒滅陳爲縣後得申叔時諫乃復封陳於
例不有其地故云入陳言楚人旣殺徵舒楚
子乃復入陳納二子於陳入陳之文爲下納
張本傳言書曰入陳納公孫寧儀行父于陳
書有禮也入納連文是入爲納也昭八年楚
師滅陳執公子招放于越殺陳孔與彼心欲
滅陳此則主爲討賊無心滅陳而復封之君
子善其自悔故退入陳于下隱其縣陳之過
若其不然當云楚子入陳殺夏徵舒如此則

楚子本爲入陳因入方討陳賊則是惡楚子

故書入在殺徵舒之後

十一年經楚子入陳疏

兩廣之別各有一卒百人一卒外復有偏一

兩二十五人兵法十五乘爲偏偏有一兩從

之兩是偏家之物故謂此爲偏之兩其實一

廣十五乘有一百二十五人從之

十二年傳卒偏之兩

疏

聘而獻物謂獻其國內之物於是所獻之物
庭中實之有百品謂聘享之禮龜金竹箭之

屬有百品也朝而獻功言治國有功故土饒
物產於是烹縹璣組羽毛齒革乃得爲容貌
之物采文章嘉淑謂美善之物加貨謂賄賂
之多多獻賄賂以謀其不免於罪也十四年
傳聘而

獻物
疏

狄稱種者周禮內宰上春生種稌之種賤之
同之草木故稱種林父尊卿當稱帥師今從
將卑師衆之例直稱師者從告也

十五年經
晉師滅赤

狄路
氏疏

再言凡者前凡據適妻子爲文後凡嫌妾子

爲君母弟不得稱弟故更言凡也凡十七年傳

母弟也疏

魯朝聘皆言如不果彼國必成其禮或在道

而還如者書其始發言往而已言公朝王所

者發國不爲朝王至彼遇王朝之朝訖乃書

故稱朝也此過京師亦直稱朝言如者發雖

主爲伐秦卽有朝王之意書其初發故言如

也成十三年經三

公如陳師

命者冥也言其生育之性得之於冥兆也所傳

謂命也疏

仲遂受賜為仲氏故其子孫稱仲氏耳年十五

仲嬰齊卒疏

若君將被殺獲者為重既書師敗又書殺獲

即韓之戰獲晉侯大棘之戰獲華元雞父之

戰獲胡沈之君是也十六年經楚子鄭師敗績疎

杜言三卻不以無罪書正謂不書盜書盜即

無罪也胥童之死本非國家所殺故特言胥

童受國討文其實傳意并論卻氏受國討故
云皆書曰晉殺其大夫也杜又云卻氏失民
胥童道亂乃總釋傳並言二者皆爲國討之

也

十七年傳晉
殺其大夫疏

云若既卽位于序端卿大夫卽位于堂廉
楹西北面東上主人房外南面主婦尸西東
面遷尸卒斂宰告主人降北面于堂下君撫
之主人拜稽顙君降升主人馮之命主婦馮
之喪將大斂君不在其餘禮猶大夫也

春秋左傳卷之六
卷之六 春秋左傳卷之六

從所稱者諸侯盟會則必自言其爵盟則
自言其名故盟得以名告神會得以爵書策
吳是東夷之君未閑諸夏之禮於此自稱為
吳不知以爵告衆故從所稱書吳也故釋例
云吳晚通上國故其君臣朝會不同於例亦
猶楚之初始是言吳未知稱爵也
十年經會吳于槎蔬
杜言癸丑二十六日者見與下四月一日亡
相近知非二會也
傳三月癸丑齊高厚相大子光疏

禘是大禮賓得與同者享客用樂禮傳無文
但賓禮既輕必異于禘魯以享賓當時之失
用之已久遂以爲常荀偃士句引過謬之事
以詔晉侯使聽宋耳魯以禘樂享賓猶以十
一年爲一節吳以引徵百年亦非正也魯有
禘樂
賓祭用
之疏

霍晉邑人掌邑大夫猶鄒邑大夫稱鄒人紇

蓋使爲晉附庸也

納諸霍
人疏

七年傳云正直爲正正曲爲直晉斷王朝之

獻乃以下正上宣子若在下而無直心何以

謂之爲正也勸先子使心正矣

下而無直則何謂正矣疏

傳言歌鐘二肆及其鎛磬則鎛磬亦二肆肆

之爲名實由鐘磬相對但傳于磬下不復更

言其數於鐘則言二肆明鎛磬數與之同乃

成肆若磬無二肆則半賜魏絳無磬矣安得

有金石也知色別名三十六枚也歌必先云

云同

十一年傳歌鐘二肆疏

王制言巡守之事云命市納賈以觀民之所

劉炫左傳述義

卷九

好惡志淫好辟鄭玄云市典市者賈謂物貴
賤厚薄也質則用物貴淫則侈物貴此亦彼
類彼上觀民此民觀上商陳此物自爲求利
非欲諫君但觀所陳則貴尙可見在上審而
察之其過足以自改故亦爲諫類則齊鬻踊
之比是也

十四年傳商
旅于市疏

例云天子公卿書爵此言卿書字者以其有
爵則書爵無則書字傳稱官師卽此劉夏釋
所以夏爲士則夏此時似未有爵若夏是卿

當書字傳言卿不行非禮則此禮本當使卿

故以卿決之卿當書字夏非卿故書名例稱

天子大夫書字但此禮不使大夫故不以大

夫決之

十五年經劉夏
逆王后于齊疏

歌詩不類知有二心者不服晉故違其令違

其令是有二心也

十六年傳齊高
厚之詩不類疏

軌法也行依法度而言有信也

二十一年傳
軌度其信疏

禮器云君子大牢而祭謂之禮匹士大牢而

祭謂之攘鄭玄云君子謂大夫以上是大夫

然有用大牢時也雜記云大夫之處也皆少
牢卒哭與祔皆大牢喪祭有大牢明吉祭亦
有也此言特羊必是時祭殷以少牢明是三
年一爲大祭猶天子諸侯禘也禮大夫時祭
少牢大祭大牢今黑肱全減之盛也

二年傳殷

以少
牢疏

漢末以來八百餘載攷其註記莫不皆爾都
無頻月日食之事計天道轉運古今一也後
世旣無其事前世禮亦當然而今有頻食於

術不得有交之所在日月必食日食在朔月
食在望日月共盡一體日食少則月食多日
食多則月食少日食盡則前後望月不食月
食盡則前後朔日不食以其交道既不復其
相揜故也此與二十一年頻月日食理必不
然但其字則變古爲篆改篆爲隸書則縑以
代簡紙以代縑多厯世代年數遙遠喪亂或
轉寫誤失其本真先儒因循莫能改易執文
求義理必不通後之學者宜知此意也

二十
四年

經秋曰有
食之既疏

詩人謂武王云上天之意臨視女武王故在

下臣民無懷貳于女之心也

傳土帝臨女
無貳爾心疏

定四年公會劉子于召陵五月公及諸侯盟

于皐鼬杜云復稱公者會盟異處故此亦異

處而不言公者炫謂史異辭於彼有規傳云

七月經言八月杜以長厯按之七月十二日

有已已知是經誤也

二十五年經秋七月已
諸侯同盟于重丘疏

困卦六三上承九四四非三應而三欲附之

附之不入自取其困不應爲此困而爲之名
必辱也六三失位而下乘九二以柔乘剛非
安身之道不應據而據之身必危也

傳入于其宮不

見其妻疏

冠是首服之大名周禮司服卿玄冕此崔子
之冠蓋玄冕也

以崔子之冠賜人疏

陳國旣亂民節與地非復陳有子展子產心
不滅陳各使已之官屬各依其職事致之于
陳使民依職領受具其衆官備其所職以安

定之乃還也

司空致地乃還疏

廣平曰原土地寬平當與陞相配非是不得爲井田也釋地于陸阜陵阿之下云可食者曰原孫炎曰可食謂有井田也陵阿山田可種穀者亦曰原也謂彼陵阿之間可食之地非廣平也

町原防疏

兵者戰器車上甲士與步卒所執兵各異也司兵掌五兵鄭衆云五兵者戈殳戟酋矛夷矛又曰軍事建車之五兵鄭公云車之五兵

鄭司農所云者是也步卒之五兵無夷矛而

有弓矢事或當然

賦車兵徒卒疏

不心競而力爭不務德而爭善皆道子朱之心非叔向之罪杜言二子不心競似亦並貴叔向者以鬪雖一曲一直乃是兩人爭理故以二子言之據其鬪而言力爭則叔向亦爭爭善則叔向無之叔向以子員無私欲令應客縱子員應客亦非叔向爭善叔向無可爭杜云爭謂所行爲善惟言子朱之心也

二十六年

傳私欲已侈
能無卑乎疏

蓼蕭首章云既見君子燕笑語兮是以有譽
處兮言晉侯有聲譽常處位是得宗廟安也
叔向命晉侯
并二君疏

國語非止明所作此傳言鄢陵之敗苗賁皇
之爲楚語亦論鄢陵之敗而云雍子之爲若
此類往往與左傳不同

欒範易行
以誘之疏

知時事四時貢職者小行人云春入貢秋獻
功王親受之鄭玄云貢謂六服所貢功謂考

績之功是諸侯大夫貢時事之義也

晉士起將歸時

事於宰旅疏

晉宋古本皆不重言諸侯則唯謂齊魯宋三

國睦耳不重是也

二十七年傳諸侯是以睦于晉疏

兼享晉楚之大夫不以屈建爲賓者賓唯一

人出自當時意耳

趙孟爲客疏

而公顯然將比來之怨以爲對賓之榮樂也

而公怨之以

爲賓榮疏

遠取文十一年三月甲子者以三十年絳縣

民國甲戌

二西江郭朱氏

老人云臣生之歲正月甲子朔以全日故又云言通計者若據前閏以來短計不得有再失之理今遠從文十一年以來計之是爲通計也

再失閏矣疏

朝禮兩君相見先授玉然後致享乃布陳幣帛于庭也祫殯者君臨臣喪之禮先使祫殯行臨喪之禮然後致禭則全是布幣之禮言與朝而布幣無異也君臨臣喪者由先見臣故以祫殯比行朝禮自然致禭以布幣楚以

親遜屈魯魯以祓殯自尊二十九年傳祓殯而遜則布幣也疏

昔有當塗貴邳國公蘇威嘗問曰知人是善

然後好之何以言其不能擇人貴曰好善仁

擇人鑒雖有仁心鑒不周物故好而不能擇

也炫謂此言亦有所切於彼好善而不能擇人疏

不直言周召者以其實非二公身化也言南

者詩序云言化自北而南也謂從岐周南被

江漢也使工爲之歌周南召南疏

于戈旣戢夷狄來賓嘉瑞悉臻遠近咸服羣

生遂其性萬物得其所卽功成之驗也萬物
本于天人本于祖天之所命者牧人祖之所
本者成業人安業就告神明使知雖社稷山
川四嶽河海皆以民爲主欲民安樂故作詩
歌其成功徧告神明所以報神明恩也王者
政有興廢未嘗不祭羣神祖廟政未太平則
神無恩力故太平德洽始報神功也頌詩止
述祭祀之狀不言德神之力者美其祭祀是
報德可知言其降福是荷恩可知幽王不雅

云先祖非人切寧忍予則於時之意豈復
其祭乎故美其系則報情顯以成功告神以
之意如此正謂周頌也其商頌則異雖是祭
祀之歌祭先祖王廟述其生時之功乃是死
後頌德非以成功告神意同大雅與周頌異
魯則止頌僖公纔知變風之美者文體類小
雅又與商頌異也此當是歌周頌杜解盛德
所同兼殷魯三頌皆歌也

爲之歌
疏

知是文王樂者詩云維清及熙文王之典此

象樂之所舞故知是文王樂也鄭玄註象又云此樂名象而已以其象事有舞音故詩序謂之象舞舞非此樂名故此直言舞也其劓禽是司執之物司馬相如上林賦曰拂鷺鳥指鳳凰則指亦拂之類今人謂拂爲拂指此必傳於古其劓指字同也南如周南之意見舞

象劓南
篇者端

據世本高止敬仲玄孫之子不立止近親遠取敬仲曾孫者齊人賢敬仲故繫之言敬仲

曾孫則此人祖父皆非正適今別立之遠繼

敬仲後高止祖父皆絕其祀也

長敬仲也疏

所以少三日者文十三年非首章年其間閏

有前卻故長歷此月辛酉朔二十三日得癸

未來月庚寅朔計至朔長三日長歷去年閏

八月由閏近故也

三十年傳二萬六千六百有六旬也疏

叛違也欲令子產不於我有違得使尹何爲

已也

三十一年傳不吾叛也疏

何比未解治邑以爲已病今若遣往學治

邑之病差自然以後知治邑矣

使夫往而學焉疏

奔者迫窘而去逃死四鄰不以禮出也今鍼適晉乃與母計議緩步而出實非奔也仲尼既書為奔傳釋云罪秦伯秦伯不豫教誡其不能早為之所致奢富過度懼而去國罪其失兄之教鍼不自知度亦是其罪歸罪秦伯言兄罪耳

昭元年傳秦伯之弟鍼出奔晉疏

稱累事孔甲下云遷于魯縣此云唐人是也服事夏商則此居于大夏子孫終商不

非累子孫是其同族等類耳服虔以爲書

人卽是劉累故杜顯而異之云累遷魯縣此

則大夏唐人是以因以服事夏商疏

違禮而娶則人神不祐故所生不長也晉文

姬出而霸諸侯同姓未必皆不殖此以禮法

爲言勸勵人耳其生不殖疏

人之本心自然有愛愛之所及先及近親同

姓是親之近者其愛之美必深是同姓之相

與先自美矣若使又爲夫妻則相愛之美尤

極極則美先盡矣美盡必有惡生故美盡則

生疾此以禮爲防推致此意耳

美先盡矣疏

子產言若干同姓不深病猶可差若干四婚
有此省相見稀接御則此病猶尙可如無稀

省耽之過度則必生疾

四婚有省病可疎

言五降而息罷退者五聲一周聲下而息前
聲罷退以待後聲非作樂息也樂曲成乃息

非五聲一周得息也

不容彈矣疏

此說降後不彈之意也五聲皆降則聲一成

曲既未成當從上始不以後聲來接前聲
容手妄彈擊是爲煩手此手所擊非復正聲
是爲淫聲淫聲之漫塞人心耳乃使人忘失
平和之性故君子不聽也

君子弗聽也疏

昏禮諸侯以下法當親迎有故得使卿明是
使上卿也凡例云凡公女嫁于敵國姊妹則
上卿送之公子則下卿送之是送卑于逆者
一等故云送者從逆者之班次言當卑于逆
者也

二年傳送從逆班疏

不敢擇取使人于卑賤之位而禮數同於守

內官之適夫人也

三年傳不敢擇位而數于守適疏

惰慢也好音樂而慢易憂禍也社以惰爲藏

當讀如弓韜之韜言以音樂樂身埋藏憂愁

于樂中猶古詩云埋憂地下也

以樂怡憂味

叔弓以四月發魯滕以五月葬君叔弓書始

行之月滕書實葬之月故書經異文也傳述

遇讐之事并就葬月言耳

五月叔弓如滕葬滕成公疏

此言出之覆上西陸朝覲知是火出時事二

月已啟此方用弓矢者二月啟水始薦宗廟

此公將用之故設弓矢也

四年傳其出之也
桃弧棘矢以除其

疏災

豐寄言于此此諫失政其雹不是盡由水

也

雹之為
雷疏

施者舍也臧者善也成諸臧氏取其令名也

其二家謂叔孟非謂施臧二氏也

王年傳殺
中軍于施

臧氏
成諸

人之受生形必有氣氣形相合義無先後而

此云始化曰魄陽曰魂是則先形而後氣先
魄而後魂魂魄之生有先後者以形有質而
氣無質尋形以知氣故先魄而後魂其實並
生無先後也

七年傳陽
曰魄疎

天漢卽天河也天河在箕斗二星之間箕在
東方木位斗在北方水位分析水木以箕星
爲隔隔河須津梁以渡故謂此次爲析木之
津也不言析水而言析木者此次自南而盡
北故依此次而名析木也襄三十年傳稱

生在姬訾之口其明年乃及降婁歲星歲行
一次降婁距此九年故此年歲在析木之津

也

八年傳今在析木之津疏

克訓勝也已謂身也有嗜慾當以禮義齊之
嗜慾與禮義交戰使禮義勝其嗜慾身得歸
復于禮如是乃爲仁也復反也言情爲嗜慾
所逼已離禮而更歸復之

十二年傳克已復禮仁也疏

土以四月歸旣歸而王死故以四月弒君赴

也

十三年經頁四月楚公子比自晉歸于楚疏

劉炫左傳述義

乃是不復以君爲君矣

十七年傳不君君矣疏

丙子壬午雖俱是水火合日但二字之內先言彊若火入而伏則連秋至春歷大陰水用事雖同其欲水當先火故疑火入而伏則必以壬午也

必以壬午疏

紡謂紡麻作纁爲布作纁之法有小繩紀其升縷纁旣爲布繩無所用婦人不肯棄之績而留之以此小繩度城而去之

十九年傳及老託於紀郭

紡焉以度而去之疏

春秋未嘗書曹人來聘非徒會不禮記炆謂
玉帛之使謂國家所有交好皆告之非奔者
之身嘗聘也今實又云所以華亥向寧射姑
等不見有玉帛來聘者以其時未爲卿也十二

年經曹公孫會
自鄆出奔宋疏

此皆假其事以爲等差其實災之大小不如
此也且詩云十月之郊朔日辛卯日有食之
亦孔之醜先儒以爲周之十月夏之八月秋
分之月也而甚可醜惡七年四月甲辰朔日

劉炫左傳述義

食春分之月也而云魯衛惡之衛大魯小安

在乎二分之食不爲災足明此是先賢寓言

非實事也

二十一年傳日有食之不爲災疏

以王當國亦如莒展以名繫國也

二十二年經以王猛

居于皇疏

禮有宜曲宜直不可信情而行故人之能自

曲直以赴於禮者謂之爲成人不能赴禮則

不成爲人謂之爲大不亦宜乎赴謂奔走言

弼諧已性奔走以赴禮也

二十五年傳謂之成人疏

此左師展將以公乘馬而歸欲共公單騎而

歸此騎馬之漸也

左師展將以公乘馬而歸疏

如國語史記之文幽王止立伯服爲太子耳
既虜褒姒必廢其子未立爲王而得匹爲攜
王者或幽王死後褒姒之黨立之爲王也汲
冢書紀年云平王奔西申而立伯盤以爲大
子與幽王俱死于戲先是申侯魯侯及許文
公立平王于申以本太子故稱天王幽王既
死而虢公翰又立王子余臣于攜周二王並

立二十一年攜王爲晉文公所殺以本非適
故稱攜王束皙云案左傳攜王奸命舊說攜
王爲伯服伯服古文作伯盤非攜王伯服立
爲王積年諸侯始廢之而立平王其事或當
然二十六年傳然攜王奸命疏

此作唯此文王不可以文王之德還自此文
王故知比于文王可以比于上代文德之王
也二十八年傳比于文王疏

天子以下俱荷地德皆常祭地但名位有高

下祭之有等級天子祭地祭大地之神也諸侯不得祭地使之祭社也家亦不得祭社使祭中霤也霤亦地神所祭小故變其名賈逵以句芒祀於戶祝融祀於竈蓐收祀於門玄冥祀於井后土祀於中霤言雖天子之祭五神亦如此耳杜以別祭五行神以五官配之非祀此五神於門戶井竈中霤也門戶井竈直祭門戶等神不祭句芒等也唯有祭后土者亦是土神故特辨之云在家則祀中霤在

野則爲社言彼與中霤亦是土神但祭有大
小郊特性云社所以神地之道也地載萬物
取財於地教民美報焉■主中霤而國主社
示本也是在家則祀中霤也大司徒以下同
此禮也

二十九年傳土
正后土疏

益杜地名其官曰農猶呼周棄爲稷

杜爲
稷疏

范氏取菟之法以爲國制雖則爲非書已廢
矣總應有禍亡釁已歇今荀寅更述其事又
加增范氏之惡焉范氏已欲免禍今復改易

之而使亡

易之亡也疏

序云諸言不書皆仲尼新意然則前三年魯史皆書公在仲尼去之仲尼所以不於此先書公在鄆與乾侯者所以非公之妄妄伐季氏且明過謬猶可掩此年書者自是鄆人潰叛齊晉卑公子家忠謀終不能用內外棄之此年云非公且徵過二十一年云言不能外內三十二年云言不能外內又不能用其人每歲發傳言公之罪也

三十年傳非公且徵過也疏

定公以六月卽位此年便卽往朝於事未爲
緩也晉人何以辭之若以緩見譴當退謝罪
何由此後更無謝處空言罪已經無遜謝自
罪之狀復安在乎晉若以緩致辭必當更有
譴責何由明年會次復得依常班序乃復之
意不可縣知

定三年經公如
晉至河乃復疏

伯禽猶下命以康誥是伯禽爲命書似書序
穆王命君牙爲大司徒作君牙卽以君牙爲

爲與此同也

四年傳命
伯禽疏

職官五正職主也正長也主官事者有五長
分五宗爲五官使主之此九宗蓋宗有一人
數少者當宗不足立官并之爲五使五官領
此九宗或以爲於懷姓之內立五正使分主
九宗未知誰是故備言之或以爲五官之長
謂如昭二十九年蔡墨所云五行之官長也
是天子之大臣非唐之遺民然姓而有五也
并賜唐叔豈天子得以五行官長賜諸侯哉

職官五
正錄

陽虎召季孫欲殺之則召季孫爲召死季孫
得脫必大喜魯人聞我出去喜於召死言人

人皆喜於季孫

八年傳喜於徵死疏

公孟生得賜族故彊卽以族告

十二年經衛公孟彊帥師

伐齊

漢學堂經解

逸書考

嚴彭祖春秋盟會圖 甘泉黃奭學

翟北地古翟國後徙西河今慈州

舒蓼國在光州

菟裘洿之泗水縣

豐鎬相去二十五里

堂谿在豫之郛城

胡姬姓國在豫之郛城

褒姒國在梁州褒城縣漢之褒中

汝之魯山有故應城今在葉有應鄉

交國周公後所封

謝城在交之龔正與姜任二謝異

南宮氏國卽冀之南宮縣

密周圻內國宣王滅之

宣當作共

驪商時國在雍之新豐

魏嬴姓國

並盟會國

潁國在潁州

光國在光州

同國在同州

並春秋圖

皐落在潞州今絳之垣縣西北六十里故皐落城是世曰倚薄

邠炎帝之後周弃外家

都卽若水昌意國今越嶲之臺登

偃城在豫州

邳子國在安州

芊姓古南越國在廣州

虞邑在洛之嵩陽

嚴彭祖春秋盟會圖

平州在汾州介休西

並盟會圖疏

清在二一在鄆隱四年遇於清者一在濮宣

十二年晉宋盟清王者

春秋圖

宣王子封謝正

盟會圖